

四庫全書

集部

欽定四庫全書

萬首唐人絕句卷七十一

宋 洪邁 編

七言

獄中聞駕幸長安二首

沈佺期

傳聞聖旨向神京
誰念羈囚滯洛城
扈從由來是方朔
為申冤氣在長平

無事今朝來下獄
誰期十月見橫河
君看鷹隼俱罷擊

為報蜘蛛收網羅

奉和幸韋嗣立莊

東山朝日翠屏開
北闕晴空綵仗來
喜遇天文七曜動
少微今夜入三台

夜宴安樂公主宅

濯龍門外主家親
鳴鳳樓中天上人
自有金杯迎甲夜
還將綺席代陽春

餞唐永昌

洛陽舊有神明宰輦轂由來天地中
餘邑政成何足貴
因君取則四方同

駕幸新豐溫泉三首

上官昭容

三冬季月景龍年萬乘觀風出灞川
遙看電躍金為馬
迴矚霜原玉作田

鸞旗掣曳拂空回羽騎驂驪躡景來
隱隱驪山雲外聳
迢迢御帳日邊開

翠幕朱帷敞月營金罍玉笋泛蘭英
歲歲年年常扈蹕

長長久久樂承平

和聖製幸韋嗣立莊

劉憲

非吏非隱晉尚書一丘一壑降乘輿天藻緣情兩曜合
山巵獻壽萬年餘

賦袞襖

桃花欲落梅條長沙頭水上足風光此時御蹕來游處
願奉年年袞襖觴

和聖製幸韋嗣立莊

趙彥昭

廊廟心存巖壑中
鑾輿矚在灞城東
逍遙自有蒙莊子
漢主徒言河上公

從宴桃花園

紅萼競然春苑曙
粉茸新吐御筵開
長年願奉西王宴
近侍慚無東朔才

奉和幸韋嗣立宅

武平一

鳴鑾奕奕下重樓
羽蓋逍遙向一丘
漢日唯聞白衣寵
唐年更覩赤松游

公主宅夜宴

王孫帝女下仙臺
金榜珠簾入夜開
遽惜瓊筵懽正洽
唯愁銀箭曉相催

餞唐永昌

聞君墨綬出丹墀
雙鳥飛來佇有期
寄謝銅街攀柳日
無忘粉署握蘭時

從宴桃花園

李嶠

歲去無言忽憔悴
時來含笑吐氛氲
不能擁路迷仙客

故欲開蹊待聖君

奉和幸韋嗣立莊

萬騎千官擁帝車
八龍三馬訪仙家
鳳凰原上窺青壁
鸚鵡杯中弄紫霞

奉和遊苑遇雪

散漫祥雲逐聖回
飄颻瑞雪遶天來
不能落後爭飛絮
故欲迎前定早梅

長寧公主宅流杯三首

景龍文館學士

欽定四庫全書

卷七十一

沁水田園先自多齊城樓觀更無過倩語張騫莫辛苦
人今從此識天河

參差碧岫聳蓮花潺湲綠水瑩金沙何須遠訪三山路
而今已到九仙家

憑高瞰迥足怡心菌閣桃源不暇尋餘雪依林成玉樹
殘霞點岫即瑤岑

奉和韋嗣立莊

崔湜

竹逕桃源本出塵松軒茅棟別驚新御蹕何須林下駐

山公不是俗中人

幸韋嗣立莊

李又

曲榭回廊繞澗幽
飛泉瀆水溢池流
祗應感發明王夢
遂得邀迎聖主遊

侍宴桃花園

綺萼成蹊遍藥芳
紅英撲地滿庭香
莫將秋宴傳王母
來比春華奉聖皇

宴公主宅

牽牛南度象昭回學鳳樓成帝女來平旦鴝鵒歌舞席
方宵鸚鵡獻酬杯

餞唐永昌

田郎才貌出咸京潘子文華向洛城願以深心留善政
當令強項謝高名

公主宅夜宴

岑羲

金榜重樓開夜扉瓊筵愛客未言歸銜歡不覺銀河曉
盡醉那知玉漏晞

公主宅夜宴

盧藏用

侯家主第一時新上席花年不惜春珠釭綴月那知夜
玉笋流霞底畏晨

餞唐永昌

徐彥伯

金谿碧水玉潭砂鳬舄翩翩弄日華
鬬雞香陌行春倦
為摘東園桃李花

公主宅夜宴

李迥秀

金榜岩堯雲裏開玉簫參差天際回
莫驚側弁還歸路

只為平陽歌舞催

公主宅夜宴

崔日用

銀燭金屏坐碧堂只言河漢動神光
主家盛時歡不極才子能歌夜未央

餞唐永昌

洛陽桴鼓今不鳴朝野咸推重
少平冬至冰霜俱怨別春來花鳥共為情

公主宅夜宴

蘇頲

車如流水馬如龍
仙史高臺十二重
天上初移衡漢匹
可憐歌舞夜相從

公主宅夜宴

馬懷素

鳳樓窈窕凌三襲
翠幌玲瓏瞰九衢
複道中宵留宴衍
彌令上客想踟躕

餞唐永昌

聞君出宰洛陽隅
賓友稱觴餞路衢
別後相思在何處
祇應闕下望仙鳧

公主宅夜宴

韋元旦

主第新成銀作榜
賓筵廣宴玉為樓
壺觴既卜仙人夜
歌舞疑停織女秋

公主宅夜宴

李適

銀河半倚鳳凰臺
玉酒相傳鸚鵡杯
若見君平須借問
仙槎一去幾時來

餞唐永昌

聞道飛鳬向洛陽
翩翩橋翮度文昌
因聲寄意三花樹

少室巖前幾過香

公主宅夜宴

薛稷

秦樓夜宴月徘徊
妓筵銀燭滿庭開
坐中香氣排花出
扇後歌聲逐酒來

餞唐永昌

河洛風煙壯市朝
送君飛鳧去漸遙
更思明年桃李月
花紅水綠宴浮橋

公主宅夜宴

閻朝隱

鳳凰鳴舞樂昌年蠟燭花開夜管絃半醉徐擊珊瑚樹
已聞鐘漏曉聲傳

錢唐永昌

洛陽難理若焚絲椎破連環定不疑鸚鵡休言秦地樂
回頭一顧一相思

錢唐永昌

徐堅

郎官出宰赴伊瀍征傳駸駸灞水前此時悵望新豐道
握手相看共黯然

代書問費徵君九華事

蕭建

見說九華峰上寺日宮猶在下方開其中幽境客難到
請為詩中圖畫來

晴望九華山

楊鴻

九華閒望簇青虛氣象羣峰盡不如
怱怱南朝挂冠吏
無人解向此山居

海棠二首

吳融

太尉園林兩樹春年年奔走探花人
今來獨傍荆山看

回首長安落戰塵

雪綻霞鋪錦水頭
占春顏色最風流
若教更近天街種
馬上多逢醉五侯

上鮑大夫

崔子尚

行盡江南塞北時
無人不誦鮑家詩
東堂桂樹何年折
直至如今少一枝

寄前黃州竇使君

趙嘏

池上笙歌寂不聞
樓中愁殺碧虛雲
玉壺凝盡重重淚

寄與風流舊使君

木蘭花

李商隱

洞庭波冷曉侵雲
日日征帆送遠人
幾度木蘭舟上望
不知原是此花身

明神

明神司過宣令寃
暗室由來有禍門
莫爲無人欺一物
他時須慮石能言

五松驛

欽定四庫全書



鴻首唐人絕句
卷七十一

獨下長亭念過秦五松不見見興薪只應既斬斯高後
尋被樵人用斧斤

嘉興社日

消渴天涯寄病身臨邛知我是何人今年社日分餘肉
不值陳平又不勻

漁父引二首

李夢符

村寺鐘聲渡遠灘半輪殘月落前山徐徐撥棹却歸去
浪疊朝霞碎錦翻

漁弟漁兄喜到來婆官賽却坐江隈
柳榆杓子瘤杯酒
爛煮鱸魚滿案堆

夢仙謠

沈彬

玉殿大開從客入金桃爛熟没人偷
鳳驚寶扇頻翻翅
龍懼金鞭不轉頭

西山吟

許大

自從明府歸仙後出入塵寰直至今
不是藏名混時俗
賣柴沽酒要安心

柳

李紳

千條垂柳拂金絲
日暖牽風葉學眉
愁見花飛狂不定
還同輕薄五陵兒

牡丹

唐彥謙

青帝於君事分偏
穠堆浮艷倚朱門
雖然占得笙歌地
將甚酬他雨露恩

贈別宣州崔羣相公

杜牧

哀散相逢洛水邊
却思同在紫微天
盡將舟楫板橋去

早晚歸來更濟川

陪呂使君樓上夜看花

段弘古

城上芳園花滿枝
城頭太守夜看時
為報林中高舉燭
感人情思欲題詩

示小弟

呂溫

憶吾未冠賞年華
二十年間在咄嗟
今來羨汝看花歲
似汝追思昨日花

讀勾踐傳

丈夫可殺不可羞如何送我海西頭更生更聚終須報
二十年間死即休

華山遊人

毛女正美

曾拆松枝為寶櫛又編栗葉代羅襦有時問却秦宮事
笑撚仙花望太虛

濟源寒食

五首
在前

孟郊

莓苔井上空相憶轆轤索斷無消息酒人皆倚春髮綠
病叟獨藏秋髮白

蜜蠶為主各磨牙咬盡村中萬木花
君家甕甕今應滿
五色冬籠甚可誇

哭李丹

生死方知交態存
忍將辭訝報幽魂
十年同在平原客
更遣何人哭寢門

贈賈島

韓愈

孟郊死葬北邙山
從此風雲得暫閒
世上不教才子絕
更生賈島着人間

贈譯經僧

萬里休言道路賒有誰教汝渡流沙只今中國方多事
不用無端更亂華

襄陽為盧竇紀事二首

元稹

帝下真符召玉真偶逢游子暫相親素書三卷留為贈
從向人間說向人

花枝臨水復臨堤閒照江流亦照泥千萬春風好擡舉
夜來曾有鳳凰棲

漢上偶題

李涉

謫仙唐世游
茲郡花下聽歌醉
眼迷今日漢江煙
樹盡更無人唱白銅鞮

題杭州樟亭驛

章孝標

樟亭驛上題詩客
一半尋為山下塵
世事日隨流水去
紅花還似白頭人

添聲楊柳枝詞

裴誠

思量大是惡姻緣
只得相看不得憐
願作琵琶槽那畔

美人長抱在胃前

收襄陽城二首

戎昱

悲風慘慘雨脩脩
峴北山低草木愁
暗發前軍連夜戰
平明旌旆入襄州

五雲飛將擁霜戈
百里僵屍滿澧河
日暮歸來看劒血
將軍却恨殺人多

戲張道人不飲酒

顏薏

言自雲山訪我來
每聞竒祕覺叨陪
吾師不飲人間酒

應待流霞即舉杯

白菊三首

司空圖

不疑陶令是狂生作賦其如有定情
猶勝江南隱居士
詩魔終嬾負孤名

自古詩人少顯榮
逃名何用更題名
詩中有慮猶須戒
莫向詩中著不平

登高可美少年場
白菊堆邊髻似霜
不筭更希沾上藥
今朝第七十重陽

漫書

樂退安貧知是分成家報國亦何慚
到還僧院心期在
瑟瑟澄鮮百丈潭

雜題二首

碁局長携上釣船
殺中碁殺勝絲牽
洪鑪任鑄千鈞鼎
只在磻溪一縷懸
曉鏡高窻氣象深
自憐清格笑塵心
世間不為蛾眉悞
海上方應鶴背吟

杏花

詩家偏為此傷情品韻由來莫與爭
解笑亦應兼解語只應慵語倩鶯聲

楊柳枝二首

陶家五柳簇衡門還闕高情愛此君
何處更添詩境好新蟬歌枕每先聞

數枝珍重蘸滄浪無限塵心暫免忙
煩暑若和煙露裛便同佛手灑清涼

修史亭二首

少年已慣擲年光
時節催驅獨不忙
今日無疑亦無病
前程無事擾醫王

籬落輕寒整頓新
雪晴屐步會諸鄰
自從南至歌風頂
始見人煙外有人

正月七日立春

羅隱

一二三四五六七
萬物生芽是今日
遠天歸鴈拂雲飛
近水遊魚迸冰出

春風

也知有意吹噓切爭奈人間善惡分但是粃糠微細物
等閒擡舉到青雲

杏花

暖氣潛催次第春梅花已謝杏花新半開半落閒園裏
何異榮枯世上人

中秋不見月

風簾浙浙漏燈痕一半秋光此夕分天為素娥孀怨苦

併教西北起浮雲

感弄猴人賜朱紱

十二三年就試期五湖煙月奈相違何如買取猢猻弄
一笑君王便着緋

鎮海軍所貢

筵前飛雪扇前塵千里移添上苑春他日丁寧柿林院
莫宣恩澤與閒人

席上歌水調

餘聲宛宛拂庭梅
通濟渠邊去又回
若使煬皇魂魄在
為君應合過江來

宿金山寺

根盤蛟蜃路藤蘿
四面無塵輟棹過
得似吾師始惆悵
眼前終日有風波

龜山寺晚望

張蠩

四面湖光絕路歧
鷗鷺飛處暮鐘時
魚舟不用懸帆席
歸去乘風挿柳枝

華山孤松

石罅引根非土力
冒寒猶助嶽蓮光
綠槐生在膏腴地
可得無心拒雪霜

宿天竺寺

嚴維

方外主人名道林
怕將水月淨身心
居然對我說無我
寂歷山深將夜深

萬首唐人絕句卷七十一

欽定四庫全書

萬首唐人絕句卷七十二

宋 洪邁 編

七言

柳

顧雲

閒花野草總爭新
眉皺絲乾獨不勻
乞與東風殘氣力
莫教虛度一年春

牡丹

王叡

金匱要略卷之十二
牡丹妖艷亂人心一國如狂不惜金曷若東園桃與李
果成無語自垂陰

秋

蟬噪古槐疎葉下樹銜斜日映孤城欲知潘鬢愁多少
一夜新添白數莖

燕

海燕雙飛意若何曲梁嘔噉語聲多茅簷不厭嫌卑陋
猶勝吳宮燕竹窠

貽九華上人

齊已

一法傳聞繼老能
九華閒卧最高層
秋鐘盡後殘陽暝
門掩松邊雨夜燈

紅薔薇花

晴日當樓曉香歇
錦帶盤空欲成結
鶯聲漸老柳飛時
狂風吹落猩猩血

謝援皮

貴向獵師家買得
攜來乞與坐禪牀
不知摘月秋潭畔

曾對何人啼斷腸

精舍遇雨

清江

空門寂寂淡吾身
溪雨微微洗客塵
卧向白雲情未盡
任他黃鳥醉芳春

小雪

落雪臨風不厭看
更多還恐蔽林巒
愁人正在書窻下
一片飛來一片寒

漁者

貫休

風惡波狂身似閒
滿頭霜雪背青山
相逢略問家何在
回指蘆花滿舍間

琴

隱巒

七條絲上寄深意
澗水松風生十指
自乃知音猶尚稀
欲教更入何人耳

浮橋

橫壓驚波防沒溺
當初元朔是軍機
行人到此全無滯
一片江雲踏欲飛

鷺鷥

无則

白蘋紅蓼碧江涯
日暖雙雙立睡時
願揭金籠放歸去
却隨沙鶴鬪輕絲

百舌鳥二首

千愁萬恨過花時
似向春風怨別離
若使衆禽俱解語
一生懷抱有誰知

長截鄰雞叫五更
數般名字百般聲
饒伊搖舌先知曉
也待青天明即鳴

桐花鳥

可鵬

五色毛衣比鳳雛
深花叢裏祇無如
美人買得偏憐惜
移向金釵重幾銖

金錢花

盧子發

輪郭休誇四字書
紅窠寫出對庭除
時時買得佳人笑
本色金錢却不知

早行

羅鄴

雨灑江聲風又吹
扁舟正與睡相宜
無端戍鼓催前去

別却青山向曉行

公子行

雕鞍玉勒照花明
過後香風特地生
半醉五侯門裏出
月高猶在禁街行

鴈

暮天新鴈起汀洲
紅蓼花開水國愁
想得故園今夜月
幾人相憶在江樓

鴛鴦二首

紅間碧靜霽煙開錦翅雙飛去又回一種相連名字好
盡緣人恨別離來

暖依牛渚紅莎媚夕宿龍池禁漏催相對若教秦女見
便應攜上鳳凰臺

螢

一首
在前

徘徊無燭冷無烟秋暹莎庭入夜天休向書窻來照字
近來紅燭滿歌筵

雞冠花

一枝濃艷對秋光
露滴風搖倚砌傍
曉景乍看何處似
謝家新染紫羅裳

詠鏡

昔歲相宜別有情
千回磨拭始將行
如今漸老愁無限
把向閒窗却怕明

祖龍詞

熊 皦

平吞六國更何求
童女童男問十洲
滄海不回應悵望
始知徐福解風流

謫居海上

家臨涇水隔秦川
來往關河路八千
堪恨此身何處老
始皇橋畔又經年

詠援

周朴

生在巫山更向西
不知何事到巴溪
中宵為憶秋雲伴
遙隔朱門向月啼

桃花

桃花春色暖先開
明媚誰人不看來
可惜狂風吹落後

殷紅片片點莓苔

淺井

方干

夜入明河星似少
曙搖澄碧扇風翻
細泉細脉難來到
應覺添餅耗舊痕

原闕

十六聲中運手輕
一聲聲似自然聲
不緣精妙過流輩
爭得江南別有名

鷓鴣

杜荀鶴

一般毛色結羣飛兩岸煙汀好景時水底有魚銜得去
看來却是鷺鷥飢

梁王坐上賦無雲雨

同是乾坤事不同雨絲飛灑日輪中若教陰朗長相似
爭表梁王造化功

涇溪

涇溪石險人競畏終歲不聞傾覆人若是半流無石處
時時聞說有沉淪

醉書僧壁

九華山色正堪愛
留得高僧爾許年
聽我吟詩供我酒
不曾穿得判齋錢

寄李隱居

自小棲玄到老閒
如雲如鶴住應難
溪山不必將錢買
贏得來來去去看

蟬

李郢

飲蟬驚雨落高槐
山蟻移將入石階
若使秦樓美人見

還應一為拔金釵

螢

郭震

秋風凜凜月依依飛過高梧影裏時處暗若教同衆類
世間爭得有人知

蛩

愁殺離家未達人一聲聲到枕邊聞苦吟莫向朱門裏
滿耳笙歌不聽君

雲

聚散虛空去復還野人間處倚筇看不知身外無根物
蔽月遮星作萬端

野井

縱無汲引味清澄冷浸寒空月一輪鑿處若教當要路
為君常濟往來人

米囊花

開花空道勝於草結實何曾濟得民却笑野田禾與黍
不聞絃管過青春

惜花

艷拂衣襟藥拂杯
遶枝閒共蝶徘徊
春風滿目還惆悵
半欲離披半未開

蓮花

臉膩香薰似有情
世間何物比輕盈
湘妃雨後來池看
碧玉盤中弄水晶

責宜陽到荆渚

李伉

漢江江水水連天
被責宜陽路幾千
為問楚人山鳥語

問予歸棹是何年

冬夕

岑參

浩汗霜風刮天地
溫泉大井無生意
澤國龍蛇凍不伸
南山瘦柏消殘翠

桃花

吳融

滿樹和嬌爛漫紅
萬枝丹彩灼春融
何當結作千年實
將示人間遊化工

木筆花

嫩如新竹管初齊
粉膩紅輕樣可攜
誰與詩人偎檻看
好於牋墨併分題

題袁州龍興寺

易惲

百尺古松松下寺
寶幡朱蓋盡珊珊
閒庭甘露幾回落
青石綠苔猶未乾

贈廣宣大師

曹松

惜昔同遊紫閣雲
別來三十二回春
白頭相見雙林下
猶是清朝未退人

華清宮

崔櫓

門封青鎖悄無人
落日秋聲渭水濱
紅葉下山寒寂寂
濕雲如夢雨如塵

又

李甘

中原無鹿海無波
鳳輦鸞旗出幸多
今日故宮歸寂寞
太平功業在山河

粉牋所書

無名人

三月江南花滿枝
風輕簾幙燕爭飛
游人休惜夜秉燭

楊柳陰濃春欲歸

煎茶

成文幹

岳寺春深睡起時
虎跑泉畔思遲遲
蜀茶倩箇雲僧碾
自拾枯松三四枝

松

大夫名價古今聞
盤屈孤貞更出羣
將謂嶺頭閒不了
夕陽猶挂數枝雲

新燕

欽定四庫全書

纔離海島宿江濱
應夢笙歌作近鄰
減省雕梁並頭語
畫堂中有未歸人

會友不至

王孫還是負佳期
玉馬追遊日漸西
獨上郊原人不見
鷓鴣飛過落花溪

惜花

忘食為戀滿枝紅
錦障頻移護晚風
客散酒酣歸未得
欄邊獨立月明中

中秋月

王母粧成鏡未收
倚欄人在水精樓
笙歌莫占清光盡
留與溪翁一釣舟

暮春日宴溪亭

寒日尋芳遊不足
溪亭還醉綠楊煙
誰家花落臨流樹
數片殘紅到檻前

曉

列宿回元朝北極
爽神晞露滴樓臺
佳人卷箔臨階砌

笑指庭花昨夜開

夕

臺榭沉沉禁漏初
麝煙紅蠟透
蝦鬚雕籠鸚鵡將棲宿
不許鴟鬟轉轆轤

露

銀河昨夜降醍醐
灑遍坤維萬象蘇
疑是鮫人曾泣處
滿池荷葉捧金珠

遊紫陽宮

古殿煙霞簇畫屏
直疑踪跡到蓬瀛
碧桃滿地眠花鹿
深院松窻擣藥聲

除夜

銅龍看却送春來
莫惜顛狂酒百杯
吟鬢就中專擬白
那堪更被二更催

元日

戴星先捧祝堯觴
鏡裏堪驚兩鬢霜
好是燈前偷失笑
屠蘇應不得先嘗

寒夜吟

洞房脉脉寒宵永
燭影香消金鳳冷
獨兒睡壓喚不醒
漏窻撲落銀蟾影

柳枝辭九首

輕籠小徑近誰家
玉馬追風翠影斜
愛把長條惱公子
惹他頭上海棠花

鵝黃剪出小花鈿
綴上芳枝色轉鮮
飲散無人收拾得
月明階下伴鞦韆

東君愛惜與先春草澤無人處也新姿囑露華并細雨
莫教遲日惹風塵

勾踐初迎西子年琉璃為帚掃溪煙至今不改當時色
留與王孫繫酒船

綠楊移傍小亭栽便擁穠煙撥不開誰把金刀為刪掠
放教明月入窻來

遠接關河高接雲雨餘洗出半天津牡丹不用相輕薄
自有清陰覆得人

掩映鶯花媚有餘風流才調比應無
朝朝奉御臨池上不羨青松拜大夫

王孫宴罷曲江池折取春光伴醉歸
怪得美人爭鬪乞要他穠翠染羅衣

殘照林梢裊數枝能招醉客上金堤
馬驕如練纓如犬瑟瑟陰中步步嘶

登甘露臺

劉言史

偶至無塵空翠間雨花甘露境閒閒
身心未寂終為累

非想天中獨退還

夜泊潤州江口

秋江欲起白頭波
賈客瞻風無渡河
千船火絕寒宵半
獨聽鐘聲覺寺多

看山木瓜花二首

裊露凝氛紫艷新
千般婉娜不勝春
年年此樹花開日
出盡丹陽郭裏人

柔枝濕艷亞朱欄
暫作庭芳便欲殘
深藏數片將歸去

紅縷金針繡取看

題十三弟竹園

繞屋扶疎聳翠莖
苔滋粉樣有幽情
丹陽萬戶春光靜
獨自君家秋雨聲

尋易尊師不見

陳 嶰

爛漫紅霞光照衣
苔封白石路微微
華陽洞裏何人在
落盡松花不見歸

題中峰

費冠卿

中峰高拄沕寥天上有茅菴與石泉晴景獵人曾望見
青藍色裏一僧禪

徵拜拾遺書情二首

拾遺帝側知難得官緊才微恐不勝好是中朝絕親友
九華山下詔來徵

三千里外一微臣二十年來任運身今日忽蒙天子召
自慚驚動國中人

九華樓晴望

張喬

一夜江潭風雨後九華晴望倚天秋重來此地知何日
欲別殷勤更上樓

登遊齊山

許堅

星使南馳入楚重此山偏得駐行踪落花滿地月華冷
寂寞舊山三四峰

寄尉遲侍御

李昭象

我眠青嶂弄澄潭君戴貂蟬白玉簪應向謝公樓上望
九華山色在西南

招西湖道者

危峰抹黛夾晴川，樹簇紅英草碧煙。
樵客雲僧兩無事，此中堪去覓靈山。

題汶川村居

滕白

種茶巖接紅霞塢，灌稻泉生白石根。
鰭腹老翁眉似雪，海棠花下戲兒孫。

燕

短羽新來別海陽，真珠高捲語雕梁。
佳人未必全聽爾，

正把金針繡鳳凰

送咸安公主

孫叔向

鹵簿遲遲出國門
漢家公主嫁烏孫
玉顏使向穹廬去
衛霍空承明主恩

嘲螳螂

朱貞白

蛇眼龜形脚似蛛
未曾正面向人趨
如今釘在盤筵上
得似江湖亂走無

題杜秀才水亭

陸龜蒙

曉和風露立晴煙
祇恐腥魂浣洞天
雲肆有龍君若買
便敲初日鑄金錢

桃花磯

張顛

隱隱飛橋隔墅煙
石磯西畔問漁船
桃花盡日隨流水
洞在清溪何處邊

山行留客

山光物態弄春暉
莫為輕陰便擬歸
縱使晴明無雨色
入雲深處亦霑衣

春遊值雨

欲尋軒檻倒清尊
江上煙雲向晚昏
須倩東風吹散雨
明朝却待入華園

對御書後又一絕

亞棲

通神筆法得玄門
親入長安謁至尊
莫怪出來多意氣
草書曾悅聖明君

題英禪師

將知德行異尋常
每見持經在道場
欲識用心精潔處

一瓶秋水一爐香

宜春郡城聞援

崔江

怨抱霜枝向月啼數聲清遶郡城低那堪日夜有雲雨
便似巫山與建溪



萬首唐人絕句卷七十二

欽定四庫全書

集部

萬首唐人絕句卷七十三至五

詳校官庶吉士臣柳邁祖

助教臣常循覆勘

總校官編修臣王燕緒

校對官編修臣勵守謙

謄錄監生臣何大士

欽定四庫全書

萬首唐人絕句卷七十三

宋 洪邁 編

七言

戲題諸判官廳壁

包幼正

六十老翁無所取
二三君子不相遺
願留今日交歡意
直到隳官謝病時

朝拜元陵

宮前石馬對中峰
雲裏金鋪闕幾重
不見露盤迎曉日
唯聞木斧扣寒松

觀壁畫九想圖

一世榮枯無異同
百年哀樂又歸空
夜闌烏鵲相爭處
林下真僧在定中

秋朝木芙蓉

趙彥昭

水面芙蓉秋已衰
繁條偏是著花遲
平明露滴垂紅臉
似有朝愁暮落時

登祝融寺蘭若

盧肇

祝融絕頂萬餘層
策杖攀蘿步步登
行到月宮霞外寺
白雲相伴兩三僧

楊柳枝詞

青鳥泉邊草木春
黃雲塞上是征人
歸來若得長條贈
不憚風霜與苦辛

新植紅茶花偶出被人移去以詩索之

嚴恨柴門一樹花
便隨香遠逐香車
花如解語還應道

欽定四庫全書

蘇軾詩集卷之十三

欺我郎君不在家

被責連州

黃絹外孫翻得罪華顛故老莫相嗤
連川萬里無親戚舊識唯應有荔支

謫後再書一絕

崆峒道士悞燒丹赤鼠黃牙幾許難
墜墮閭浮南斗下不知何事犯星官

題清遠峽觀音院二首

清潭洞澈深千丈危岫攀蘿上幾層秋盡更無黃葉樹
夜闌唯對白頭僧

風入古松添急雨月臨虛檻背殘燈老猿嘯於還欺客
來撼牕前百尺藤

喜楊舍人入翰林

御筆親批翰長銜夜開金殿送瑤緘平明玉案臨宣室
已見龍光出傳巖

謫連州書春牛榜子

欽定四庫全書

漢書卷之七十三

陽和未解逐民憂雪滿羣山對白頭不得職田飢欲死
兒儂何事打春牛

送弟

去日家無擔石儲汝須勤苦事樵漁古人盡向塵中遠
白日耕田夜讀書

牧童

誰人得似牧童心牛上橫眠秋聽深時復往來吹一曲
何愁南北不知音

嘲小兒

貪生只愛眼前珍不覺風光度歲頻昨日見來騎竹馬
今朝早是有年人

成名後作

桂在蟾宮不可攀功成業熟也何難今朝折得東歸去
共與鄉閭年少看

韋使君宅海榴詠

皇甫曾

淮陽卧理有清風臘月榴花帶雪紅閉閣寂寥常對此

江湖心在數枝中

巖嶺四望

漢家仙仗在咸陽
洛水東流出建章
野老至今猶望幸
離宮秋樹獨蒼蒼

奉和九兄勑見寄絕句

李涉

忽啓新緘吟近詩
詩中韻出碧雲詞
且喜陟岡愁已散
登舟只恨渡江遲

贈友小孩子

驪龍領下亦生珠
便與人間衆寶殊
他時若要追風日
須得君家萬里駒

奉宣慰使魚十四郎

年纔二十衆知名
孤鶴儀容徹骨清
口傳天語來人世
却逐祥雲上玉京

題善光寺

雲門天竺舊姻緣
臨老移家住玉泉
早到可中涓南寺
免得翻經住幾年

金步四
卷七十三
題宣化寺道元上人居

二十年前不繫身
草堂曾與雪為隣
常思和尚當時語
衣鉢留將與此人

折楊柳

王貞白

枝枝交影鑠長門
嫩色曾沾雨露恩
鳳輦不來春欲盡
空留鶯語到黃昏

和崔使君臨發不得觀積雪

朱景玄

貧居稍與池塘近
旬日軒車不到來
一樹瓊花空有待

曉風看落滿青苔

遠聞本郡行春到舊山

一身從宦留京邑五馬遙聞到舊山已領煙霞光野徑
深慙老幼候柴關

清風借響松筠外畫隼停輝水石間定掩溪名在圖傳
共知軒蓋此登攀

宿新安村步

浙浙寒流漲淺沙月明空渚徧蘆花離人偶宿孤村下

永夜聞砧一兩家

立春後作

王初

東君珂珮響珊珊青馭多時下九關
方信玉霄千萬里春風猶未到人間

梅花二首

應為陽春信未傳固將青艷屬殘年
東君欲待尋佳約刺寄衣香與粉綿

迎春雪艷飄零極度夕蟾華掩映多
欲托清香傳遠信

一枝無計奈愁何

春日詠梅花

靚妝纔罷粉痕新
迢曉風回散玉塵
若遣有情應悵望
已兼殘雪又兼春

青帝來時值遠芳
殘花殘雪尚交光
隔年擬待春消息
得見春風已斷腸

即夕

榆葉飄零碧漢流
玉蟾珠露兩清秋
仙家若有單棲恨

莫向銀臺半夜遊

送陳校勘入宿

日落風回卷碧霓
方蓬一夜拆龍泥
銀臺級級連清漢
桂子香濃月杵低

即夕

風幌涼生白袷衣
星榆纔亂絳河低
月明休近相思樹
恐有韓馮一處棲

早春詠雪

句芒宮樹已先開
珠藥瓊花鬪剪裁
散作上林今夜雪
送教春色一時來

望雪

銀花珠樹曉來看
宿醉初醒一倍寒
已似王恭披鶴氅
凭欄仍是玉欄干

雪霽

星榆葉葉畫離披
雲粉千重凝不飛
崑玉樓臺珠樹密
夜來誰向月中歸

舟次汴堤

曲岸蘭叢鴈飛起野客維舟碧煙裏竿頭五兩轉天風
白日楊花滿流水

省試日上崔侍郎四首

劉得仁

衣上年年淚血痕只將懷抱訴乾坤如今主聖臣賢日
豈致人間一物冤

如病如痴一十秋求名難得又難休回看骨肉須堪恥
一着麻衣便白頭

戚里稱儒愧小才
禮闈公道此時開
他人何事虛相指
明主無私不是媒

方寸終朝似火燃
為求白日上青天
自嗟辜負平生眼
不識春光二十年

秋夜作

秋氣滿堂孤燭冷
清宵無寐憶山歸
牕前月過三更後
細竹吟風似雨微

長門怨

爭得一人聞此怨長門深夜有妍姝早知雨露翻相悞
只插荆釵嫁匹夫

村中閒步

閒共野人臨野水新秋高樹掛清輝不知塵裏無窮事
白鳥雙飛入翠微

賈婦怨

嫁與商人頭欲白未曾一日得雙行任君逐利輕江海
莫把風濤似妾輕

寄友人

風颯沉思眼忽開
塵埃污得是庸才
那堪更見巢松鶴
飛入青雲不下來

晏起

日過辰時猶在夢
客來應笑也求名
浮生自得長高枕
不向人間與命爭

別山居

萬壑千巖景象開
登臨未足又須回
憑師莫斷松間路

秋月圓時弟子來

馬上別單于劉評事

時太和公主還京
評事罷舉起職

廟謀宏遠人難測
公主生還帝感深
天下底平須共喜
一時閒事莫驚心

贈從弟谷

此世榮枯豈足驚
相逢唯要眼長青
從來不愛三閭死
今日憑君莫獨醒

贈道人

長在城中無定業
賣丹磨鏡兩途貧
三山來往尋常事
不省曾驚市井人

對月寄同志

霜滿庭中月在林
寒鴻頻過又更深
支頤不語相思坐
料得君心似我心

上清辭五首

李九齡

八海浮生汗漫秋
紫皇高宴五雲樓
霓裳曲罷天風起
吹散仙香滿十洲

樓鑠彤霞地絕塵碧桃花發九天春東皇近日慵遊宴
閒煞瑤池五色麟

上清仙路有丹梯影響行人到即迷不會無端箇漁父
阿誰教入武陵溪

本來方朔是真仙偶別丹臺未得還何事玉皇消息晚
忍教憔悴向人間

新拜天官上玉都紫皇親授五靈符羣仙箇箇來相問
人世風光似此無

讀三國志

有國由來在得賢莫言興廢是循環
武侯星落周瑜死
平蜀降吳似等閒

山舍南溪小桃花

一樹繁英奪眼紅
開時先合占東風
可憐地僻無人賞
拋擲深山亂木中

春行遇雨

夾路輕風撼柳條
雨侵春態動無憀
採香陌上誰家女

濕損釵頭翡翠翹

登樓寄遠

滿城春色花如雪極目煙光月似鉤總是動人鄉思處
更堪容易上高樓

望思臺

漢武年高慢帝圖任人曾不問賢愚直饒四老依前出
消得江充寵佞無

山舍偶題

門掩松蘿一徑深
偶携藜杖出前林
誰知盡日看山坐
萬古興亡總在心

荆溪夜泊

點點漁燈照浪清
水煙疎碧月朧明
小灘驚起鴛鴦處
一隻採蓮船過聲

旅舍卧病

家隔西秦無遠信
身隨東洛度流年
病來旅館誰相問
牢落閒庭一樹蟬

登昭福寺樓

旅懷秋興正無涯，獨倚危樓四望賒。
谷變陵遷何處問，滿川空有舊煙霞。

代邊將

雪凍陰河半夜風，戰回狂寇血漂紅。
據鞍遙指長安路，須刻麟臺第一功。

夜與張舒話別

愁聽南樓角又吹，曉雞啼後更分離。
如何銷得淒涼思。

更勸燈前酒一卮

寒梅詞

霜梅先拆嶺頭枝
萬卉千花凍不知
留得和羹滋味在
任他風雪苦相欺

題靈泉寺

入谷先生一陣香
異花奇木簇禪堂
可憐門外高低路
萬轂千蹄日日忙

宿張正字別業

茅屋蕭寥煙暗後松牕寂歷月明初此時誰念孤吟客
唯有黃公一帙書

鶴

天上瑤池覆五雲玉麟金鳳好為羣不須更飲人間水
直是清流也汙君

過相思谷

悠悠信馬春山曲芳草和煙鋪嫩綠正被離愁着莫人
那堪更過相思谷

寫莊子

聖澤安排當散地賢侯優貸借新居閒中亦有閒生計
寫得南華一部書

山中寄友人

亂雲堆裏結茅廬已共紅塵跡漸疎莫問野人生計事
牕前流水枕前書

重門曲

周 潛

憔悴容華怯對春寂寥宮殿鎖閒門此身却羨宮中樹

不失芳時雨露恩

山下水

背雲衝石出深山
淺碧泠泠一帶寒
不獨有聲流此地
會歸滄海助波瀾

逢隣女

日高隣女笑相逢
慢束羅裙半露胷
莫向秋池照綠水
參差羞殺白芙蓉

廢宅

牢落畫堂空鑠塵荒涼庭樹暗消春豪家莫笑此中事
曾見此中人笑人

津頭望白水

周 繇

晴江暗漲岸吹沙山畔船衝樹杪斜城郭半淹橋市鬧
鷺鷥繚繞入人家

公子行

青衫薄薄漏春風日暮鳴鞭柳影中回望玉樓人不見
酒旗深處勒花驄

寄鑒上人

左偃

一從攜手阻戈鋌屈指如今已十年長記二林同宿夜
竹齋聽雨共忘眠

江上晚泊

寒雲淡淡天無際片帆落處沙鷗起水濶風高日復斜
扁舟獨宿蘆花裏

送人

一莖兩莖華髮生千枝萬枝梨花白春色江南獨未歸

今朝又送還鄉客

鍾陵鐵柱

盧士衡

千年埋沒竟何為
變化宜將萬物齊
安得風胡借方便
鑄成神劍斬鯨鯢

僧房聽雨

古寺松軒雨聲別
寒牕聽久詩魔發
記得年前在赤城
石樓夢覺三更雪

題牡丹

萬葉紅綃翦盡春丹青任寫不知真風光九十無多日
難惜樽前折贈人

長安春暮

潘咸

客在關西春暮夜還同江外已清明三更獨立看花月
唯欠子規啼一聲

舟行

平沙極浦無人度猶繫孤舟寒草西半夜起看潮上月
萬山中有一猿啼

送僧

闕下僧歸山頂寺却看朝日下方明
莫道野人尋不見
半天雲裏有鐘聲

弔邊人

沈彬

殺聲沉後野風悲
漢月高時望不歸
白骨已枯沙上草
佳人猶自寄寒衣

都門送別

岸柳蕭疎野草秋
都門行客莫回頭
一條灞水清如劍

不為離人割斷愁

萬首唐人絕句卷七十三

欽定四庫全書

萬首唐人絕句卷七十四

宋 洪邁 編

七言

善卷先生壇

蔡 崑

幾到壇邊登閣望因思遺跡詠今朝當時為有重華出
不是先生傲帝堯

南塘二首

鮑 溶

南塘旅客秋淺清夜深綠蘋風不生蓮花受露重如睡
斜月起動鴛鴦聲

塘東白日駐紅霧早魚翻光樂碧潯畫舟蘭棹欲破浪
恐畏驚動蓮東心

題嚴君觀

寒雲古木罩星臺凡骨仙蹤信可哀二十年前曾此到
一千年內未歸來

山中有所思

零零夜雨漬愁根
觸物傷離好斷魂
莫怪杜鵑飛去盡
紫微花裏有啼猿

燕

一巢功績破春光
絮落花殘兩翅狂
月榭風枝不棲去
強來言語泥雕梁

貧女

難把菱花照素顏
試臨春水插花看
木蘭船上遊春子
笑指荆釵下遠灘

杪春寄友人

何處相逢萬事忙
卓家樓上百淘香
明朝漸近山僧寺
更為殘花醉一場

回舊山

庾家樓上謝家池
處處風煙少舊知
明日落花誰共醉
野溪猿鳥恨歸遲

故白巖禪師院

王夢周

能師還世名還在
空閉禪堂滿院苔
花樹不隨人寂寞

數枝猶自出牆來

題商山修路僧院

蔣吉

此地修行山幾枯
草堂生計只瓶盂
支郎既解除難險
試看人心平得無

次青雲驛

馬轉櫟林山鳥飛
商溪流水背殘暉
行人既在青雲路
底事風塵猶滿衣

題長安僧院

出門爭走九衢塵總是浮生不了身
唯有水田衣下客
大家忙處作閒人

大庾驛有懷

一囊書重百餘斤
郵吏寧知去計貧
莫訝偏吟望鄉句
明朝便見嶺南人

樵翁

獨入深山信脚行
慣當豺虎不曾驚
路傍花發無心看
唯見枯枝刮眼明

聞歌竹枝

尋堤聽唱竹枝詞
正是月高風靜時
獨向東南人不會
弟兄俱在楚江湄

昭君冢

曾為漢帝眼中人
今作邊蕃陌上塵
身死不知多少載
冢花猶帶洛陽春

四老廟

無端捨釣學干名
不得溪山養性情
自省此身非達者

今朝羞拜四先生

旅泊

霜月正高鸛鵲洲美人清唱發紅樓鄉心暗逐秋江水
直到吳山脚下流

出塞

瘦馬羸童行背秦暮鴉撩亂入殘雲北風吹起寒營角
直至榆關人盡聞

次商於感舊寄盧中丞

昔年簪組隘邱門
今日旌幢一院存
何事商於淚如雨
小儒偏受陸家恩

庭竹

唐求

月籠翠葉秋承露
風亞繁梢暝掃煙
知道雲霜終不變
冰留寒色在庭前

題常樂寺

桂冷松香十里間
殿臺渾不似人寰
日斜回首江頭望
一片閒雲落後山

送劉鍊師歸山

風急雲輕鶴背寒
洞天誰道却歸難
千山萬水瀛洲路
何處煙飛是醮壇

酬舒公見寄

無客不言雲外見
為文長遣世間知
一聲松逕寒吟後
直是前山雪下時

巫山下

細腰宮盡舊城摧
神女歸山更不來
唯有楚江斜日裏

至今猶自繞陽臺

三月盡日

李昌符

江頭從此管絃稀
散盡遊人獨未歸
落日已將春色去
殘花應逐夜風吹

綠珠詠

洛陽佳麗與芳華
金谷園中見百花
誰遣當年墜樓死
無人巧笑破孫家

贈別

又將書劍出孤舟
盡日停橈結遠愁
莫到江頭話離別
江波一去不回流

悶書

病來難處早秋天
一徑無人樹有蟬
歸計未成書半卷
中宵多夢晝多眠

經范蠡舊居

張翥

一變姓名離百越
越城猶在范家無
他人不識扁舟意
却笑輕生泛五湖

抒懷

幾出東堂謝不才
便甘閒望故山回
翻思未是離家久
更有人從外國來

弔萬人冢

兵罷淮邊客路通
亂鴟來去噪寒空
可憐白骨攢孤冢
盡為將軍覓戰功

別鄭仁表

春雷醉別鏡湖邊
官顯才狂正少年
紅燭滿汀歌舞散

美人迎上木蘭船

贈段逸人

長筇自擔藥兼琴
話著名山即擬尋
從聽世人忙似火
不能移得卧雲心

上所知

初向衆中留姓字
敢期言下致時名
而今馬亦知人意
每到門前不肯行

青冢

傾國可能勝効國無勞冥冥更思回太真雖是承恩死
祇作飛塵向馬嵬

傷賈島

生為明代苦吟身死作長江一逐臣可是當時少知己
不知知已是何人

長安寓懷

九衢秋雨掩閒扉不似干名似息機貧病却慚牆上土
年來猶自換新衣

古戰場

荒骨潛消壘已平
漢家曾說此交兵
如何萬古冤魂在
風雨時聞有戰聲

再遊西山贈許尊師

別後已聞師得道
不期猶在此山頭
昔時霜鬢今如漆
疑是年光却倒流

宮詞

日透珠簾見冕旒
六宮爭逐百花毬
回看不覺君王去

已聽笙歌在遠樓

自諷

鹿鳴筵上強稱賢
一送離家十四年
同隱海山燒藥伴
不求仙桂却登仙

十五夜與友人對月

每到月圓思共醉
不宜同醉不成歡
一千二百如輪夜
浮世誰能盡得看

夢仙謠三首

王穀

前程漸覺風光好琪花片片粘瑶草有人遺我五色丹
一粒吞之後天老

青童遞酒金觴疾列坐紅霞神氣逸笑說留連數日間
已是人間一千日

瑶臺絳節遊皆遍異果奇花香撲面松窻夢覺却神清
殘月林前三兩片

偶書

劉義

日出扶桑一丈高人間萬事細如毛野夫怒見不平事

磨損胷中萬古刀

觀八駿圖

穆王八駿走不歇
海行去尋長日月
五雲望斷阿母宮
歸來落得新白髮

天津橋

洛陽宮闕照天地
四面山川無毒氣
誰令漢祖都秦關
今遂姦雄轉相熾

野哭

棘針生猛義路閒野泉相弔聲潺潺哀哉異教溺頑俗
淳源一去何時還

酬幽居閒上人喜及第後贈 陳羽

九霄心在勞相問四十年間豈足驚風動自然雲出岫
高僧不用笑浮生

洛下贈徹公

天竺沙門洛下逢請為同社笑相容支頤忽望碧雲裏
心愛嵩山第幾重

觀朱舍人歸葬吳中

翩翩絳旄寒流上行遠東歸萬里魂
幾處州人臨水哭
共省遺草有王言

襄陽過孟子舊居

襄陽城郭春風裏漢水東流去不還
孟子死來江樹老
煙霞猶在鹿門山

步虛詞

樓殿層層阿母家崑崙山頂住紅霞
笙歌出見穆天子

相引笑看琪樹花

送友人遊嵩山

嵩山歸路遠天壇雲影松聲滿谷寒君見九龍壇上月
莫辭清夜水中看

題清鏡寺留別

路入千山愁自知雪花撩亂壓松枝世人並道離別苦
誰信山僧輕別離

從軍行

海畔風吹凍泥裂枯桐葉落枝梢折橫笛聞聲不見人
紅旗直上天山雪

宿淮陰作

秋燈點點淮陰市楚客聯檣宿淮水夜深風起魚鱉腥
韓信祠堂明月裏

春日南山行

處處看山不可行野花相向笑無成長嫌為客過州縣
漸被時人識姓名

覽古三十九首

本一百首有前卷已見并刪去者

汪遵

彭澤

鶴愛孤松雲愛山
宦情微祿免相關
裁成五柳吟歸去
漉酒巾邊伴菊閒

杜郵館

殺盡降兵熱血流
一心猶自逞戈矛
功成若解求身退
豈得將軍死杜郵

細腰宮

鼓聲連日燭連宵貪向春風舞細腰爭奈君王正沉醉
秦兵江上促征橈

瑤臺

仙夢香魂不久留滿川雲雨滿宮愁直須待得荆王死
始向瑤臺一處遊

吳坂

蹢躅鹽車萬里蹄忽逢良鑒始能嘶不緣伯樂稱奇骨
幾與駑駘價一齊

箕山

薄世臨流洗耳塵便歸雲洞任天真一瓢風入猶嫌鬧
何況人間萬種人

息國

家國興亡身獨存玉容還受楚王恩銜冤只合甘先死
何待花間不肯言

梁寺

立國從來為戰功一朝何事却談空臺城兵匝無人敵

閒卧高僧滿梵宮

南陽

陸困泥蟠未適從
豈妨耕稼隱高蹤
若非先主垂三顧
誰識茅廬一卧龍

杞梁墓

一叫長城萬仞摧
杞梁遺骨逐妻回
南鄰北里皆嬌婦
誰解堅心繼此來

夷門

晉鄙兵回為重難秦師收旆亦西還今來不是無朱亥
誰降軒車問抱關

汴河

隋皇帝欲泛龍舟千里崑崙水別流還待春風錦帆暖
柳陰相送到迷樓

燕臺

禮士招賢萬古名高臺依舊對燕城如今寂寞無人上
春去秋來草自生

聊城

刃血攻聊已越年
竟憑儒術罷戈鋌
田單漫逞燒牛計
一箭終輸魯仲連

西河

花貌年年溺水濱
俗傳河伯娶生人
自從明宰投巫後
直至如今鬼不神

密縣

百里能將濟猛寬
飛蝗不到邑人安
至今閭里逢災沴

猶祝當時卓長官

昇僊橋

題橋貴欲露先誠此日人皆笑率情應訝臨邛沽酒客
逢時還作漢公卿

破陳

獵獵朱旗映綵霞紛紛白刃入陳家
看看打破東平苑
猶舞庭前玉樹花

白頭吟

失却青絲素髮生
合歡羅帶意全輕
古今人事皆如此
不獨文君與馬卿

短歌吟

箭飛烏兔競東西
貴賤賢愚不夢齊
匣裏有琴樽有酒
人間便是武陵溪

晉河

風引征帆管吹高
晉君張晏俟雄豪
舟人笑指千餘客
誰是煙霄六翮毛

干將墓

囊籥冰霜萬古聞
拍灰松地見餘墳
應緣神劍飛揚久
水水山山盡是雲

金谷

晉臣榮盛更誰過
常向堦前舞翠娥
香散艷消如一夢
但留風月伴煙蘿

三閭廟

為嫌朝野盡陶陶
不覺官高怨亦高
憔悴莫酬漁父笑

浪交千載詠離騷

易水

匕首空磨事不成
誤留龍袂待琴聲
斯須却作秦中鬼
青史徒標烈士名

嚴陵臺

一釣淒涼在杳冥
故人飛詔入山扃
終將寵辱輕軒冕
高卧五雲為客星

淮陰

秦季賢愚混不分只應漂母識王孫歸榮便累千金贈
為報當時一飯恩

雞鳴曲

金距花冠傍舍棲清晨相叫一聲齊開闕自有馮生計
不必天明待汝啼

採桑婦

為報躊躇陌上郎蠶飢日晚妾心忙本來若愛黃金好
不肯携籠更採桑

漁父

棹月眠流處處通
綠簑葦帶混元風
靈均說盡孤高事
全與逍遙意不同

越女

玉貌何曾為浣沙
只圖句踐獻夫差
蘇臺日夜唯歌舞
不覺干戈犯翠華

望思臺

不憂家國任姦臣
骨肉翻為蒿路人
巫蠱事行冤莫雪

九層徒築見無因

比干墓

國亂時危道不行忠賢諫死勝謀生一沉冤骨千年後
壠水雖平恨未平

郢中

莫言白雪少人聽高調都難稱俗情不是楚詞詢宋玉
巴歌猶掩繞梁聲

北海

漢臣曾此作縲囚
茹血衣毛十九秋
鶴髮半垂龍節在
不聞青史說封侯

招屈亭

三閭溺處殺懷王
感得荆人盡縞裳
招屈亭邊兩重恨
遠天秋色暮蒼蒼

屈祠

不肯迂回入醉鄉
乍吞忠梗沒滄浪
至今祠畔猿啼月
了了猶疑恨楚王

銅雀臺

銅雀臺成玉座空
短歌長袖盡悲風
不知僊駕歸何處
徒遣顰眉望漢宮

斑竹祠

九處煙霞九處昏
一回延首一銷魂
因憑直節流紅淚
圖得千秋見血痕

萬首唐人絕句卷七十四

欽定四庫全書

萬首唐人絕句卷七十五

宋 洪邁 撰

七言

送韋判官

盧 綸

前峯後嶺碧濛濛
草擁驚泉樹帶風
人語馬嘶聽不得
更堪長路在雲中

途中遇雨留別二端公

金匱要略卷之二十五
陰雷慢轉野雲長
驄馬雙嘶愛雨涼
應念龍鍾在泥客
欲摧肝膽事王章

送潁陽徐少府

潁陽春色似河陽
一望繁花一縣香
今日送君君最恨
可憐才子白鬚長

赴虢州留別故人

世故相逢各未閒
百年多在別離間
昨夜秋風今夜雨
不知何處入空山

送暢當還舊山

常逢明月馬塵間，是夜照君歸處山。
山中松桂花發盡，頭白屬君如等閒。

送僧

金縷袈裟國大師，能銷壞宅火燒時。
復來擁膝說無住，知向人天何處期。

將赴京留獻令公

沙鶴驚鳴野雨收，大河風物颯然秋。
力微恩重亮難報。

不是行人不解愁

酬靈澈上人

軍人奉役本無期
葉落花開總不知
走馬塵中頭雪白
若為將面見湯師

雨中酬友人

看山獨行歸竹院
水遶前階草生遍
空林細雨暗無聲
唯有愁心兩相見

哭苗主簿

原頭殯御遶新塋原下行人望哭聲更想秋山連古木
唯應石上見君名

王駙馬花燭詩三首

一首在前卷

一女婿萬人憐一夜稠疎抵百年為報司徒好將息
明珠解轉又能圓

人主人臣是親家千秋萬歲保榮華幾時曾向高天裏
得見今宵月裏花

比翼和鳴雙鳳凰欲棲金帳滿城香平明却入天泉裏

日氣曠曠五色光

憑姚校書附書達郗推官

寄書常切到常遲今日憑君君莫辭若問玉人殊易識
蓮花府裏最清羸

驛中望山

官微多懼事多同拙性偏無主驛功山在門前登不得
鬢毛衰盡落塵中

贈韓山人

見君何事有慚顏
白髮生來未到山
更歎無家又無藥
往來惟在酒徒間

翫春戲呈李益

掖垣春色自天來
紅藥當階次第開
憲草叢叢爾何物
等閒穿破綠莓苔

出山逢耿漳

雲雪離披山萬重
別來曾住最高峰
暫到人間歸不得
長安陌上又相逢

壯公院聞琴

悞以聲音祈遠公請將徽軫付秋風
漾漾峽流吹不盡月華如在白波中

題印禪師影堂

雙屨參差錫杖斜衲衣交膝對天花
瞻空悟問修持劫似指前溪無數沙

伯夷廟

中條山下黃礪石疊作夷齊廟裏神
樹葉滿階塵滿座

不知澆酒為何人

華清宮二首

漢家天子好經過
白日青山宮殿多
見說只今生草處
禁泉荒石已相和

天氣朦朧暖畫梁
一回開殿滿山香
宮娃幾許經歌舞
白首翻令憶建章

過僊遊寺

上方下方雪中路
白雲流水間數步
峰到盡時猶未歸

寂寞經聲竹陰暮

題野寺

寺前山遠古陂寬
寺裏人移春草寒
何事最堪悲色相
折花將與老僧看

看弄邵翁伯

洛下渠頭百卉新
滿筵歌笑獨傷春
須臾更看邵翁伯
即我此身如此人

新茶詠

三獻蓬萊始一嘗自調金鼎閱芳香貯之玉合纔半餅
寄與阿誰題數行

渡浙江

前船後船未相及五兩頭平北風急飛沙卷地日色昏
一半征帆潮浪濕

出軍

戎昱

龍繞旌竿獸滿旗翻營乍似雪山移中軍一隊三千騎
盡是并州遊俠兒

寂上人禪房

俗塵浮垢閉禪關
百歲身心幾日間
安得此生同草木
無營長在四時間

桂州口號

畫角三聲動客愁
曉霜如雪覆江樓
誰道桂林風景暖
到來重著皂貂裘

紅槿花

花是深紅葉麴塵
不將桃李共爭春
今日驚秋自憐客

折來持贈少年人

哭黔中薛大夫

亞相何年鎮百蠻
生涯萬事瘴雲間
夜郎城外誰人哭
昨日空餘旌節還

感春

看花淚盡知春盡
魂斷看花祇恨春
名位未霑身欲老
詩書寧救眼前貧

途中寄李二

楊柳煙含灞岸春年年攀折為行人好風若借低枝便
莫遣青絲掃路塵

寄許鍊師

掃石焚香禮碧空露華偏濕藥珠宮如何說得天壇上
萬里無雲月正中

下第留辭顧侍郎

綺陌彤彤花照塵王門侯邸盡朱輪城南舊有山村路
欲向雲霞覓主人

題雲公山房

雲公蘭若深山裏
月明松殿微風起
試問空門清淨心
蓮花不著秋潭水

郢城秋望

郎士元

白首思歸歸不得
空山聞雁雁聲哀
高城落日望西北
又見秋風逐水來

送別

穆陵關上秋雲起
安陸城邊遠行子
薄暮寒蟬三兩聲

回望故鄉千萬里

送麴司直

曙雪蒼蒼兼曙雲朔風燕雁不堪聞
貧交此別無他贈
唯有青山遠送君

留別常著

歲晏蒼郊蓬轉時
遊人相見說歸期
宓君堂上能留客
明月還家應未遲

送張光歸吳

看取庭蕪白露新
勸君不用久風塵
秋來多見長安客
解愛鱸魚能幾人

聞吹楊葉者二首

妙吹楊葉動悲笳
邊馬迎風起恨賒
若是雁門寒月夜
此時應卷盡驚沙

天生一藝更無倫
寥亮幽音妙入神
吹向別離攀折處
當應合有斷腸人

夜泊湘江

湘江木落洞庭波
湘水連雲秋雁多
寂寞舟中誰借問
月明只自唱漁歌

侍燕詠桃花

蘇頲

桃夭灼灼有光輝
無語成蹊點更飛
為見芳林含笑待
遂同溫樹不言歸

奉和聖製韋嗣立莊

樹色參差隱翠微
泉流百尺向空飛
傳聞此處投竿往
遂使茲辰扈蹕歸

戲贈趙使君美人

張謂

紅粉青娥映楚雲
桃花馬上石榴裙
羅敷獨向東方去
漫學仙家作使君

安公房問瀾

張繼

流年一日復一日
世事何時是了時
試向東林問禪伯
遣將心地學琉璃

上清詞

紫陽宮女捧丹砂
王母今過漢帝家
春風不肯停仙馭

却向蓬萊看杏花

送顧況泗上覲叔父

吳鄉歲貢足嘉賓
後進之中見此人
別業更臨洙泗上
擬將書卷對殘春

留別

何事千年遇聖君
坐令雙鬢老江雲
南行更入山深淺
岐路悠悠水自分

樂府雜詞三首

二首見前

劉言史

紫禁梨花飛雪毛春風絲管翠樓高城裏萬家聞不見
君王試舞鄭櫻桃

蟬翼紅冠粉黛輕雲和新教羽衣成月光如雪金堦上
送却頗黎義甲聲

不耐簷前紅槿枝薄粧春寢覺仍遲夢中無限風流事
夫婿多情亦未知

歲暮題楊錄事江亭

楊生蜀客

垂絲蜀客涕濡衣歲盡長沙未得歸腸斷錦帆風日好

可憐桐鳥出花飛

冬日峽中旅泊

霜月明明雪復殘
孤舟夜泊使君灘
一聲鐘出遠山裏
暗想雪窻僧起寒

泊花石浦

舊業叢臺廢苑東
幾年為梗復為蓬
杜鵑啼斷回家夢
半在邯鄲驛樹中

聞崔倚旅葬

遠客那能返故廬
蒼梧埋骨痛何如
他時親戚空相憶
席上同悲一紙書

賦番子牧馬

磧淨山高見極邊
孤烽引上一條煙
蕃落多晴塵擾擾
天軍獵到鷓鴣泉

牧馬泉

平沙漫漫馬悠悠
弓箭閒拋郊水頭
鼠毛衣裏取羌笛
吹向秋天眉眼愁

越井臺望

獨立陽臺望廣州更添羈客異鄉愁
晚潮未至早潮落井邑暫依沙上頭

扶病春亭

強梳稀髮著綸巾捨杖空行試病身
花間自欲裴徊立穉子牽衣不許人

贈童尼

舊時艷質如明玉今日空心是冷灰
料得昭王惆悵極

更無雲雨到如今

讀故友于君集

大底從頭總是悲
就中偏愴築城詞
依然想得初成日
寄出秋山與我時

病僧二首

竺國鄉程算不回
病中衣錫徧浮埃
如今漢地諸經本
自過流沙遠背來

空林衰病卧多時
白髮從成數寸絲
西行却過流沙日

枕上寥寥心獨知

右軍墨池

永嘉人事盡歸空
逸少遺居蔓草中
至今池水涵餘墨
猶共諸泉色不同

送僧歸山

楚俗翻花自送迎
密人來往豈知情
夜行獨自寒山寺
雪迳泠泠金錫聲

題源分竹亭

繞屋扶疎千萬竿年年相誇獨行看日光不透煙常在
先校諸家一月寒

山寺看櫻桃花題僧壁

楚寺春風臘盡時含桃先坼一千枝老僧不語傍邊坐
花發人來總不知

傷清江上人

往年偏共仰師遊聞過流沙淚不休此身豈得多時住
更著塵心起外愁

山寺看海榴花

琉璃地上紺宮前發翠凝紅幾十年夜久月明人去盡
火光霞焰遞相燃

贈成煉師四首

花冠藥帔色嬋娟一曲清簫凌紫煙不知今日重來意
更住人間幾百年

黃昏騎得下天龍巡遍茅山數十峰採芝却到蓬萊上
花裏猶殘碧玉鐘

等閒何處得靈方
丹臉雲鬟日月長
大羅過却三千歲
更向人間魅阮郎

曾隨阿母漢宮齋
鳳駕龍輶列御階
當時白燕無尋處
今日雲鬟見玉釵

上巳日陪襄陽李尚書宴光風亭

碧池萍嫩柳垂波
綺席絲鏞舞翠娥
為報會稽亭上客
永和應不勝元和

奉酬

閨餘春草景沉沉
襖飲風亭恣賞心
紅袖青娥留永夕
漢陰寧肯美山陰

病中客散復言懷

華髮離披卧滿頭
暗蟲衰草入鄉愁
枕前人去空庭暮
又見芭蕉白露秋

處州月夜穆中丞席和主人

羌竹繁弦銀燭紅
月光初出柳城東
忽見隱侯裁一詠
還須書向郡樓中

尋花

遊春未足春將度
訪紫尋紅少在家
借問流鶯與飛蝶
更知何處有幽花

贈陳長史妓

本內宮人

寶鈿雲和玉禁僊
深含媚靨裏朱弦
春風不怕君王恨
引出幽花落外邊

題王汎故居

入巷蕭條起悲緒
兒女猶居舊貧處
塵滿空牀屋見天

獨作驢鳴一聲去

偶題

遲日新粧遊冶娘
盈盈綵艇白蓮塘
掬水遠濕岸邊郎
紅綃縷中玉釧光

慟柳論

孀妻樓戶仍無嗣
欲訪孤墳誰引至
裴徊無處展哀情
惟有衣襟知下淚

夜入簡子古城

遠火熒熒聚寒鬼綠燄欲銷還復起夜深風雪古城空
行客衣襟汗如水

桂江中題香頂臺

岩岩香積凌空翠天上名花落幽地老僧相對竟無言
山鳥却呼諸佛字

僧簷前獨竹詠

亂石田中寄孤本亭亭不住凌虛引欲以袈裟拂著來
一邊碧玉無輕粉

送人隨姊夫任雲安令

閒逐維私向武城北風青雀片時行孤帆瞥過荊州岸
認得瞿塘急浪聲

山中喜崔補闕見尋

鹿袖青藜鼠耳巾潛夫豈解拜朝臣白屋藜牀還共入
山妻老大不差人

偶題三首

金榜榮名俱失盡病身為庶更投魑春娥慢笑無愁色

別向人家舞柘枝

得罪除名謫海頭
驚心無暇與身愁
中使不知何處住
家書莫寄向春州

嘉興社日

消渴天涯寄病身
臨邛知我是何人
今年社日分餘肉
不值陳平又不均

席上贈李尹

偃僂山夫髮似絲
松間石上坐多時
飄飲不曾看酒肆

世人空笑亦何為

彌公院問病

一頭細髮兩分絲
卧見芭蕉白露滋
欲令居士身無病
直待衆生苦盡時

惜花


年少共憐含露色
老人偏惜委塵紅
如何遂得心中事
每要花時不厭風

代番僧留別

此地緣疎語未通
歸時老病去無窮
定知不徹南天竺
死在條支陰磧中

桂江逢王使君旅襯歸

故人丹旆出南威
少婦隨喪哭漸歸
遙想北原新壠上
日寒光淺小松稀



萬首唐人絕句卷七十五